

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS X. MARTII.

M. NICOLAO RICHARD, Doctore Medico, Præsidente.

An vita nullis Medicina legibus adstricta brevior?

A B unione animæ habemus quod vita, cœlesti dono, fruamur, à permansione calidi cum humido quod diu; hæc utraque qualitas in singulis viventibus excellens nunquam excedit, nec temperamentum æquo pondere libratum quæras. Attamen nec copia nimia redundare debet humor qui calore obtundat, nec supra modum exuberare calor qui ad humoris absorptionem cito festinet: Sed quod æquiori perfusione coierint, eò serius animal fati vices subit; hinc homo præ cæteris horum laudabilior nactus misturam, felicitis vitæ suæ pensâ tractat, & tardiori pede calcitrat lethi fores: Contra bos & equus, inter has vivificas qualitates non tam æquabili sanctio fodere cum staturâ prociore, citius dissolvuntur. Calor ille vitæ opifex non cum humore omni bene coheret ac fociat, sed ejus præsertim conjunctione teneri amat qui pinguis est, ac viscosus, sui que fovendi capax, aqueum verò refugit, nec nisi ægrè sustinet, sic longioris ævi quæ oleum & resinam fundunt arbores, brevioris verò pisces quibus tenue & aqueum est humidum: At, crude factum! quod vitam efficit, eandem destruit; calor quo vivimus, igneam prorsus naturam redolens, humidum sensim depecculat ac depascit, sibi que molitur ruinam, nec si hæc ad interitum causa sufficeret, præstilo est altera quæ illum accelerare haud paulo plurimum solet, inevitabilis excrementorum proventus; hæc duplex ingenta nobis mortis causa, quas si effugere omnino non licet, licet tamen aliquatenus differre, ut ejus artis sit id præstare leges non secuti, frustra de brevitate vitæ conqueramur.

H OMO primâ ætate calidissimus & humidissimus, postremâ sit frigidissimus & siccissimus; Illa, infantia dicitur, quâ nativo humore delibata membra mollia sunt, ductilia, & in omnem partem flexibilia; hæc, senectus, quâ ob siccitatem adeo redduntur rigida & contracta, ut vix moveantur absque dolore; jurè dicitur misera quæ facit infirmum corpus, privat omnibus voluptatibus, nec procul abest à morte. Inter hæc duas ætates alie intercedunt quæ calor & humiditatem mutatione definiri solent; calor in infantho ab ergastulis matris mox erumpente licet intensissimus, tamen proprio humore revinctus blandè micat, necdum vires suas in apertum exierit, at paulatim illum forbens, nefcius sibi moliri exitium, luculentius effulget, scintillat, rutilat, & in dies acuitur, siccitate limâ ejus accedente: Hinc aliquantulum ulio humore, qui ante præcepti cursu hæc & illuc oberrat sine lege, in se colligitur, latius emanante flammâ depresâ, tum viget animus, floretque mens, ut sit splendore siccò nihil illustrius, unde heroës & ingenio excellentes melancholici. Interim tandiu vita non flaret, necula septimum diem excurreret, nisi in decedentis humidi locum novum accederet ex alimento; alimentum prorsus nullum confici integrè ac omnino potest, ex quo peregrinæ & infociabiles materiae congestio fit, quæ inania locorum preperans calorem inibi repositum, atque cubantem hebetat. vitæque cursum frangit, morborum omni colluvie inde manante. Alimentum potus comitatur, continuo spirandus aër, motus, quies, somnus, vigilia, excreta, ætata, & animi pathemata, sunt res à quibus immunis vita esse non potest, hæc vi sua in nos agunt, vitæque principia pariter alterant; quod si his ita probè noris uti, ut lapsum quod erit humidum refarciaris altero tolerabilis conditionis, & excrementorum auctioni posteris moras, causis internecionem nostram admolientibus nonnihil obstitēs.

M EDICINA omnium artium præstantissima est, ejus præ cæteris firma sunt præcepta; inter ejus partes *hæc* nobilior aut, hæc rerum quibus vita tenetur cuique pro natura congruentem usum decernit, ejus ni legibus pareas incassum occurrere tentas causis interitis, illum potius acerbis, quas sæpè qui spernit, infcus sequitur, lisque gravis damna accret quæ alias esset assidendum. Nullius adeo stabilis, constansque valetudo, ut à levioribus erratis aliquid non patiaris mali; sanitatis magna latitudo est; perfectè sanus nemo statim ægrotat, sed sensim minus exuberat, sicque ætio acutatum non eruitur læsa, tamen paulatim deficit. Quidam addicti consuetudini huic uni obtemperandum putant, sed frustra, nisi prius illam ars probarit: Ex malarum rerum assiduo usu id tantum commodi nascimur, ut minore incommodo his postmodum utamur, sic sub fallacis familiaritatis larvâ mala regitur indoles, quæ statim occasione datâ nos fiduciæ nimium facilis arguit.

A D caloris nativi symmetriam conservandam magna vis est aëris; purus quidem illum gratiosè recreat irroratque, quem impetus atque putrescens corrumpit: sic qui fervet impensibilis, aut ad extremum rigeſcit, gravi ipsi noimento est, illo affatim resolvitur, vanescitque in tenues auras, hoc addensatur propriisque suffocatur in laribus. Nec minor quam aëris citi & potus habenda ratio; qui se cibis ingurgitat, non se, sed suam ipsè perniciem alit; ciborum ingluvie calor arretitur, excrementorum festinanter aduactâ congerie: Verumtamen exactâ ad unguem diartâ macerare corpus ut vacet impuri humoribus, desipientis signum est; ventriculus non fruens alimento debito, à circumjacentibus partibus saniem quandam biliosam pellicit, ex quâ non potest fieri sanguis laudabilis in corde, qui arterias validè agit. Qui se excrementis libere student, utantur cibis qui sint boni succi, facilisque coëctionis; an piscibus omnino abstinendum? Credat Iudæus Apella, non ego; quo tempore mediocri ac refrigerante opus est victu, his selectis ac debite præparatis nihil præstantius, vere calido humido, sanguine exundante, horum usus salubris. Pro potu vinum largius sumptum omnibus incommodat, hoc in obruto pectore non potest læta viridisque germinare virtus, solum ipso turgidulus ac omnis venerat luxuriosè desumptat in libidines, nec dubium eo decurtari vitam ejus fauore humido confertim abrepto; ut corpus melius habeat, se se in mense ad vomitum vino proluere, Arabis enorme commentum; nemini tamen ex ephelis excedenti non proficuum magis quæ frugi est, id dilatum plus vel minus pro temperamentorum & temporum anni varietate, sensibus præsertim nativo humore penè exutis & inopiâ caloris argentibus, utraque qualitate egregiè succurrit; querulorum melancholicorum una medicina.

P LVRES occidit gula, quàm gladius; impurum corpus quò magis nutrit, magis lædis; labor cibum præcedat moderatus, seu cui meta sit anhelitus alteratio, quo spiritum promptiore factio decursu referentur meatus, forasque elidantur excrementa; illum quies excipiat. Non minus ad incoluitatem animalis vigilia & somnus sibi debent succedere, illa digerit, hic coquit, digestionis amica lux est, nox coëctioni commodat, quo pacto diu vigilandum, noctu dormiendum quousque appareant signa peractæ coëctionis, ventriculi levis, ructum absentia, & novi roboris accessio, ultra si pergas, vitam tuâ culpâ facis breviorē. Venus extra pubertatis annos omnibus convenit moderata, quam nec dolor nec languor consequitur, à somno præsertim, ne coctio perturbetur, cruditasque gignatur; semen, residuum illud glutinis quo partes aluntur, effusio à natura destinatum, si retineatur plus æquò, putret sitque venenum, optimâ indole in pessimam conversâ; neque tamen id effugiendum temerè, nè breve diluendum sit gaudium longis lachrymis, ex uno infesto cito mille malis fobolecentibus; multi, ut spumantis libidinis acres devirent morfus, se se exanimant, atque interitum refrigore victu, vis tu ab his immunis esse, ne loca clausa otiosis incolas. Hinc *Stoicorum* procul exultet, homini non est cor ferreum, gaudium & spes sunt ita naturæ familiares, & amici motus, ut his juvenæ refocilleretur nativus calor, totiusque corporis melior ac florentior emetescat habitus: adeo nequit & flagitiosè dictum, quod qui medicè vivit, misere vivit, cum id ars medica præstet, ut productiorem non modo, sed & ærumna omni & languore liberam vitam agamus, qui summus felicitatis est apex.

Ergo vita nullis Medicina legibus adstricta brevior.



Proponebat Lutetiæ CLAUDIVS GVERIN, Parisinus, A. R. S. H. M. DC. LXVII.